



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-I/25-1-40-104-6/21**

Datum: **12.04.2021. godine**

«Agencija za vodno područje rijeke Save» Sarajevo rješavajući po zahtjevu podnesenom od strane preduzeća „BH-GAS“ d.o.o. Sarajevo za izdavanje prethodne vodne saglasnosti za izgradnju magistralnog gasovoda DN500/75 na pravcu državna granica (RH-BIH) – Novi Travnik (južna interkonekcija BiH-HR), na osnovu člana 109. stav (1) tačka 10. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99) d o n o s i

R J E Š E N J E **o prethodnoj vodnoj saglasnosti**

1. Podnosiocu zahtjeva, preduzeću „BH-GAS“ d.o.o. Sarajevo, daje se prethodna vodna saglasnost za izradu projektne dokumentacije za izgradnju magistralnog gasovoda DN500/75bar na pravcu državna granica (RH-BIH) – Novi Travnik (južna interkonekcija BiH-HR), a u postupku pribavljanja urbanističke saglasnosti i okolinske dozvole.
2. Rješenjem je obuhvaćen samo dio trase predmetnog gasovoda, koji se nalazi na vodnom području Save, odnosno mjesno nadležnom području AVP Sava u skladu sa članom 152. stav (5) Zakona o vodama.
3. Prethodna vodna saglasnost se odnosi na izgradnju objekata iznad ili u vodotoku I kategorije na trasi predmetnog gasovoda i ne oslobađa podnosioca zahtjeva obaveze pribavljanja prethodne vodne saglasnosti za aktivnosti definisane članom 17. stav (2) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), za čije izdavanje su nadležna Kantonalna ministarstva.
4. Prethodna vodna saglasnost se daje na osnovu pregleda dostavljene projektne i druge dokumentacije, utvrđenog činjeničnog stanja i pod sljedećim uslovima:
 - 4.1 Izraditi i revidovati investiciono-tehničku dokumentaciju na nivou glavnog projekta u kojoj će se dati tehnička rješenja koja se odnose na problematiku voda, koja treba biti urađena od strane ovlaštenog pravnog lica i revidovana od strane drugog pravnog lica, oba sa „liste A“ Federalnog ministarstva poljoprivrede, vodoprivrede i šumarstva, a sve u skladu sa članom 5. stav (2) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20).
 - 4.2 Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te vodoprivrednih i ekološko-ekonomskih zahtjeva.
 - 4.3 Projektom dokumentacijom dati tehničko rješenje objekata predmetnog gasovoda sa svim potrebnim proračunima i tehničkim opisom kao i situativni prikaz trase, tačan položaj objekata u odnosu na vodotoke, vodno dobro, poplavno područje, linije velikih voda ranga pojave jednom u sto godina, planirane objekte za zaštitu od voda i zaštitne zone izvorišta vode za piće.
 - 4.4 Predmetna trasa magistralnog gasovoda mora biti usklađena sa prostorno planskom dokumentacijom i razvojnim planovima za predmetno područje.
 - 4.5 Da se planirani magistralni gasovod prikaže na snimljenoj situaciji odgovarajuće razmjere koja odražava trenutno stanje na terenu, sa prikazom trase i pripadajućih objekata u odnosu na površinske vode i druge hidrotehničke objekte (zaštitne vodoprivredne objekte, objekte lokalnog vodovoda, kanalizacionog sistema i sl.).
 - 4.6 Projektom definisati prelazak trase cjevovoda preko vodotoka, zaštitnih zona izvorišta, saobraćajnica, željeznica, postojećih podzemnih instalacija (vodovod, kanalizacija, PTT instalacije, elektro instalacije i dr.), te dati rješenja izmještanja ili premoštavanja istih u skladu sa tehničkim propisima za ovu vrstu radova i prema uslovima i saglasnosti organizacije koja upravlja istim.

- 4.7 Dati tehničko rješenje prelaza cjevovoda ispod vodotoka tako da isti ne utiče na promjenu postojećeg režima voda i uslova tečenja kao i da ne smije doći do oštećenja obala i narušavanja stabilnosti istih (sa polaganjem istog min, 1 m ispod prirodne kote korita, sa betonskim osiguranjem).
 - 4.8 U slučaju da trasa magistralnog gasovoda prelazi preko vodotoka vješanjem uz konstrukciju postojećeg mosta, potrebno je, u skladu sa važećim tehničkim propisima, dati tehničko rješenje prelaska preko vodotoka tako da se ne smanjuje postojeći proticajni profil mosta te uz poštivanje uslova i saglasnosti organizacije u čijoj je nadležnosti upravljanje i održavanje predmetnog mosta.
 - 4.9 U slučaju eventualnog prolaska trase gasovoda kroz vodozaštitne zone ili u blizini postojećih ili planiranih izvorišta, neophodno je uvažiti sva ograničenja i zabrane propisane važećim Odlukama o zonama sanitarne zaštite za predmetna izvorišta, a ukoliko je dozvoljeno pogaljanje gasnih vodova obavezno je projektom predvidjeti gradnju i održavanje istog tako da se očuva kvalitet podzemnih voda.
 - 4.10 Polaganje cjevovoda uz vodotoke predvidjeti na uobičajen način za ovu vrstu radova, te predvidjeti da se iskopani rov kvalitetno zatrpa uz zbijanje do potrebnog stepena zbijenosti, a eventualni višak materijala iz iskopa odveze van područja vodnog dobra. Na preglednoj situaciji naznačiti lokalitete na kojima će se vršiti deponovanje viška iskopanog materijala, vodeći računa da nije dozvoljeno deponiranje materijala u korita i uz obale vodotoka. Deponije materijala rješavati na način da ne remete prirodni režim voda.
 - 4.11 Investitor je dužan, kod izrade tehničke dokumentacije (glavnog projekta) predvidjeti/obraditi odgovarajuće zaštitne mjere, kako predmetnom gradnjom i eksploatacijom ne bi došlo do negativnih uticaja na izgrađene objekte i postrojenja, režim površinskih i podzemnih voda, korito vodotoka, kvalitet površinske i podzemne vode, ekosisteme, stečena prava korisnika voda, stanovništvo i sl.
 - 4.12 Uz projektnu dokumentaciju priložiti saglasnost / potvrdu nadležne institucije da trasa magistralnog gasovoda sa pripadajućim objektima neće biti u koliziji sa važećom prostorno planskom dokumentacijom i namjenom zemljišta.
 5. Po izradi investiciono-tehničke dokumentacije, u skladu sa uslovima iz tačke 4. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti.
 6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).
- Uz zahtjev se, između ostalog, prilaže:
- 6.1 Revidovana Investiciono-tehnička dokumentacija u skladu sa uslovima navedenim u tački 4. ovog Rješenja.
 - 6.2 Rješenje o urbanističkoj saglasnosti i okolinskoj dozvoli.
 - 6.3 Dokaz o izvršenoj uplati administrativne takse u iznosu od 60 KM i 3 KM markice federalne upravne takse.
7. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
 8. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
 9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Preduzeće „BH-GAS“ d.o.o. Sarajevo, dana 10.03.2021. godine obratilo se ovoj Agenciji sa zahtjevom za izdavanje prethodne vodne saglasnosti za izgradnju magistralnog gasovoda DN500/75(bar) na pravcu državna granica (RH-BIH) – Novi Travnik (južna interkonekcija BiH-HR). Duž predmetne dionice gasovoda evidentirano je jedno ukrštanje trase gasovoda sa vodotokom I kategorije, tj. na jednom lokalitetu se trasa ukršta sa rijekom Vrbas.

Trasa planiranog magistralnog gasovoda prolazi kroz tri kantona: Zapadnohercegovački kanton, Kanton 10 i Srednjobosanski kanton, odnosno kroz pet općina: Posušje, Tomislavgrad, Kupres, Bugojno i Novi Travnik, u ukupnoj dužini cca L=115,5 km, a u postupku pribavljanja urbanističke saglasnosti i okolinske dozvole.

U prilogu zahtjeva za izdavanje prethodne vodne saglasnosti, dostavljena je slijedeća dokumentacija:

A. Dostavljena dokumentacija:

- Ovjerena kopija rješenja o izmjenama podataka kod upisa subjekta u sudski registar broj 065-0-Reg-20-003879 od 07.12.2020. godine, Općinski sud u Sarajevu;
- Kopija Uvjerenja o poreznoj registraciji od 17.01.2017. godine izdanog od Porezne uprave - Kantonalni porezni ured SARAJEVO,
- Ovjerena kopija Uvjerenja o upisu u Jedinostveni registar obveznika indirektnih poreza od 31.01.2017. godine, Uprava za indirektno oporezivanje BiH,
- Punomoć za zastupnika podnosioca zahtjeva broj: 01-10-1005-756 od 24.02.2021. godine,
- Studija za prethodnu vodnu suglasnost - idejni projekat i tenderski dosije gasovoda južna interkonekcija BIH – HR, urađena od strane Saraj inženjering d.o.o. Sarajevo, juni 2020. godine,
- Dokazi o uplati administrativne takse u iznosu od 80,00 KM i uplati Federalne upravne takse u iznosu od 3,00 KM.

B. Ostala tehnička dokumentacija:

- Elaborat eksproprijacije - elaborat podataka o parcelama na trasi gasovoda knjiga II-3 Općina Posušje, II dio (10);
- Elaborat eksproprijacije - elaborat podataka o parcelama na trasi gasovoda knjiga II-3 Općina Posušje, I dio (9);
- Elaborat eksproprijacije - elaborat podataka o parcelama na trasi gasovoda knjiga II-3 Općina Tomislavgrad, II dio (8);
- Elaborat eksproprijacije - elaborat podataka o parcelama na trasi gasovoda knjiga II-3 Općina Tomislavgrad, I dio (7);
- Elaborat eksproprijacije - elaborat podataka o parcelama na trasi gasovoda knjiga II-3 Općina Široki Brijeg, II dio (6);
- Elaborat eksproprijacije - elaborat podataka o parcelama na trasi gasovoda knjiga II-3 Općina Široki Brijeg, I dio (5);
- Elaborat eksproprijacije - elaborat podataka o parcelama na trasi gasovoda knjiga II-3 Općina Bugojno (4);
- Elaborat eksproprijacije - elaborat podataka o parcelama na trasi gasovoda knjiga II-3 Općina Grude (3);
- Elaborat eksproprijacije - elaborat podataka o parcelama na trasi gasovoda knjiga II-3 Općina Mostar (2);
- Elaborat eksproprijacije - elaborat podataka o parcelama na trasi gasovoda knjiga II-3 Općina Novi Travnik (1).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 21. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20) o zahtjevu je dana 19.03.2021. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo, te dana 22.03.2021. u dnevnom glasilu „OSLOBODENJE“. U datom roku nije bilo pisanih izjašnjenja o predloženim aktivnostima iz zahtjeva.

U provedenom postupku konstatovano je slijedeće:

- Studija za prethodnu vodnu suglasnost (idejni projekat i tenderski dosije gasovoda južna interkonekcija BIH – HR), urađena od strane pravnog lica koje ima ovlaštenje za izradu dokumentacije na osnovu koje se izdaju vodni akti, izdato od strane Federalnog ministarstva za poljoprivredu, vodoprivredu i šumarstvo Sarajevo.

U sklopu plana razvoja gasnog sistema Bosne i Hercegovine, planirana je izgradnja novog magistralnog gasovoda DN 500/75 na pravcu Državna granica (RH – BiH) – Novi Travnik. Ovaj magistralni gasovod će se povezati s međunarodnim gasovodom Zagvozd – Imotski – Posušje DN 500/75 i na taj način omogućiti novi izvor snabdijevanja prirodnim gasom na području Srednjobosanskog, Kantona 10, Zapadnohercegovačkog i Hercegovačko-neretvanskog kantona i preko postojećeg gasovoda Zeničko-Dobojskog kantona i Kantona Sarajevo.

Trasa gasovoda presijeca na više mjesta veće i manje vodotoke (rijeke, stalni i povremeni potoci). Na prolazima gasovoda ispod vodenih prepreka, cijev gasovoda može se položiti prokopavanjem korita vodotoka ili bušenjem ispod korita vodotoka.

Duž predmetne dionice gasovoda planirano je jedno ukrštanje trase gasovoda sa vodotocima I kategorije, tj. sa rijekom Vrbas u Bugojnu. Predviđeno je polaganje gasovoda metodom bušenja ispod dna korita, tehnologijom bušenja sa usmjerenim navođenjem (HDD metoda).

Uslovi za izdavanje vodne saglasnosti definisani su u tački 4. dispozitiva rješenja i isti trebaju biti obrađeni u investiciono-tehničkoj dokumentaciji, koju će Investitor dostaviti uz zahtjev i drugu potrebnu dokumentaciju za donošenje rješenja o vodnoj saglasnosti, shodno članu 114. Zakona o vodama.

Na osnovu utvrđenog činjeničnog stanja konstatovano je da sa aspekta sektora voda i priložene dokumentacije ne postoje zapreke da se podnosiocu zahtjeva, kao Investitoru, ne izda tražena prethodna vodna saglasnost, pa je shodno odredbama Zakona o vodama i provedbenim propisima doneseno rješenje kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-I/25-1-40-104-5/21 od 30.03.2021. godine.

Podnosilac zahtjeva je uplatio upravnu i administrativnu taksu u iznosu od 80 plus 3 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih taksi.

Voditelj postupka
Nihad Pezo, dipl.inž.građ.

Prilog: Tehnička dokumentacija navedena pod tačkom B. obrazloženja Rješenja.

**Po ovlaštenju
Rukovodilac sektora za izdavanje
vodnih akata**



Haris Ališehović, dipl.inž.građ.

Dostaviti:

- „BH-GAS“, d.o.o. Sarajevo, Obala Kulina bana br. 8, Sarajevo
- ⊙ AVP Sava, ISV - vodna knjiga - ovdje
- Arhiva - ovdje
- Oglasna ploča AVP Sava